

EUSKARAREN ETXEKO LANTOKI KOOPERATIBOA -2022ko ez ohiko deialdia-

2021ean egin zen Lantoki Kooperatiboaren lehenengo deialdia, eta egun, 7 entitate ari dira bertan lanean. 2021eko jardueraren ebaluazioa egin ondoren **2022ko irailetik 2023ko abendura lantoki kooperatiboa erabiltzeko 2 tokiren eskaintza** egitea erabaki dugu.

Euskararen Etxeak desberdinen arteko elkarlana eta lankidetzat sustatu gura ditu lantoki kooperatiboaren bidez; era berean, baita euskarazko jardunari babesa eman ere.

Euskararen Etxeak euskararen sustapen eta hedapenean eragitea du helburu. Hori dela eta, lantoki kooperatiboan lan egiteko aukera izango dute euskara helburu edo misio duten entitate, elkarte edota norbanakoek.

Lantoki kooperatiboaren erabilera DOAKOA da.

Honakoa da ordutegia:

Astelehenetik ostiralera: 08:00 – 20:00

Larunbatetan: 10:00 – 14:00 eta 16:00 – 19:00

Igande eta jai egunetan itxita.

NORK IZAN DEZAKE LANTEGI KOOPERATIBOAN LAN EGITEKO AUKERA?

- Euskararen alde eta euskaraz lanean ari den edozein entitate, elkarte edo norbanakok.
- Euskara bere jardunaren helburu edo misio nagusi duen edozein entitate, elkarte edo norbanakok.

NORK IZANGO DU LEHENTASUNA?

- Irabazi asmo bako erakundeek.
- Egoitza nagusia Bizkaian kokatuta dutenek edota eragin eremu nagusitzat Bizkaia dutenek.

NOLA EGIN DAITEKE LANTEGI KOOPERATIBOAN LAN EGITEKO ESKARIA?

- Eskaria beteta honako helbidera bidali beharko da:

komunikazioa@euskararenetxea.eus

- Eskariak aurkezteko epea: 2022ko ekainaren 1etik 17ra.
- Euskararen Etxean eskari bakoitza kasuan kasu baloratuko da eta posta elektronikoz bidez helaraziko da erantzuna.
- Lantegi kooperatiboan lekua, gehienez, 2022ko irailetik 2023ko abendura arte esleituko da. Behin epe hori pasata, berriz egin beharko da eskaria.
- Entitate, elkarte edo norbanako bakoitzari, gehienez ere, lagun birentzako lanerako lekua esleituko zaizkio.
- Lantegi kooperatiboan lan egiteak “Lantegi kooperatiboaren erabilera arauak” eta “espazioen erabilera arauak” onartzea dakar.

LANTOKI KOOPERATIBOAK ESKAINTZEN DUENA:

- Lanerako espazioak honako baliabideak eskainiko dizkio langileari: wifia, entxufeak, lanerako mahai eta aulkia, eta norbere lanerako tresnak gordetzeko giltzapeko amairua aukeran.
- Inprimagailu-fotokopiagailua erabilgarri; urtean, 500 kopia.
- Langileek Euskararen Etxeko sukaldea erabiltzeko aukera izango dute.
- Lantoki kooperatiboko langileen erabilerarako hiru bilera gela daude.
- Euskararen Etxeko bestelako aretoak erabiltzeko aukera. Areto horiek aurkezpenak, formazioak edota bilera jendetsuak egiteko aukera eskaintzen dute.
- Euskararen Etxeko harreran paketeak eta posta jasotzeko aukera.

BALORATUKO DA:

- Eskatutako lanerako espazioaren erabilera maiztasuna; hau da, lan-espazioa orduan eta gehiago erabiltzeko asmoa izan, proposamenak balorazio handiagoa jasoko du.
- Entitate edo norbanakoak Euskararen Etxean egiteko proposatutako jendaurreko ekimenak. Gutxienez, urtean ekintza publiko bat antolatzea ezinbestekoa izango da.
- Euskararen Etxearen espazio eta baliabideen erabilera-proposamena.

- Euskararen Etxean dauden beste entitate eta norbanakoekin elkarlanean aritzeko proposamena.
- Azkue Fundazioarekin lankidetzan lan egiteko proposamenak.

LANTOKI KOOPERATIBOAREN ERABILERA ARAUAK:

- Lantoki kooperatiboan euskaraz jardungo da.
- Azkue Fundazioak deituko dituen koordinazio zein informazio bileretan parte hartzea derrigorra izango da.
- Lantoki kooperatiboa bera eta Euskararen Etxeko gainontzeko espazioak zaindu beharko dira, eta zerbait behar izatekotan Azkue Fundazioaren langileei jakinarazi. Iradokizun, eskari edota jakinarazpenak idatziz egingo dira honako posta helbidera: komunikazioa@euskararenetxea.eus
- Etxearen edozein espazio edo baliabideren erabilera desegokia egiten bada, Azkue Fundazioak norbanako edo entitate hori lantoki kooperatibotik kaleratzeko eskubidea izango du.
- Ez da onartuko errespeturik gabeko jarrerarik. Horrelakorik gertatuz gero, Azkue Fundazioak norbanako edo entitate hori lantoki kooperatibotik kaleratzeko eskubidea izango du. Jasotako kexek dagokien bidea egingo dute; prozedura ofizioz hasi ahalko du Azkue Fundazioak edota norbanako baten eskariz bideratu ahalko da.

